

BASES DO SORTEO “MAIO, MES DOS LIBROS”

1.- ORGANIZA

O CONCELLO DE CULLEREDO, a través da Área de Xuventude, con domicilio no Edificio Municipal Pablo Picasso, na rúa Antonio Machado, 15670, O Burgo, Culleredo, A Coruña, España (en diante CIPAX Culleredo) ten previsto organizar un sorteo denominado “MAIO, MES DOS LIBROS” (en diante o sorteo) que se rexerá polo previsto nas seguintes bases.

A finalidade do sorteo é crear sinerxias entre a xuventude de Culleredo para compartir experiencias a través das súas lecturas persoais, así como compartir libros entre a mocidade cullerdense.

2.- DESVINCULACIÓN CON FACEBOOK, TWITTER, TIKTOK E INSTAGRAM

Nin Facebook, nin Twitter, nin Instagram nin TikTok patrocinan, avalan ou administran de modo algún esta promoción nin están asociados a ela.

O/A usuario/a desvincúlase totalmente de Facebook, TikTok, Twitter e Instagram e é consciente de que está a proporcionar a súa información ao CIPAX Culleredo e non a Facebook, Twitter, TikTok ou Instagram.

3.- ÁMBITO E DURACIÓN DO SORTEO

Este sorteo desenvolverase no territorio español.

O período de participación será entre os días 12 e 31 do mes de maio de 2021.

O CIPAX Culleredo resérvase o dereito a modificar, cancelar e/ou suspender o sorteo cando concorran causas alleas á súa vontade.

En caso de producirse unha modificación, cancelación ou suspensión do sorteo comunicarse polo mesmo medio que teña sido publicitado o sorteo.

4.- PREMIOS

Rematado o prazo de participación realizarase un sorteo para determinar as 2 contas gañadoras ás que se outorgará como premio **un libro a cada unha**. A relación de libros é a seguinte:

- *MAUS*, de Art Spiegelman
- *Ollos de Auga*, de Domingo Villar
- *Pioneiras*, de Anair Rodríguez
- *Asústate, Merche*, de Fina Casalderrey
- *O que sei do silencio*, de Andrea Maceiras
- *Cuentos y leyendas de Galicia*, de Antonio Reigosa
- *As palabras poden matar*, de Marcos Calveiro
- *Xa non estou aquí*, de Iria Misa

5.- LEXITIMIDADE E REQUISITOS PARA PARTICIPAR

Poderán participar no sorteo e optar a premio todas aquelas persoas físicas, maiores ou menores de idade, residentes legais en España, que cumpran os requisitos detallados nestas bases e que completen todo o proceso de participación no sorteo descrito nas mesmas.

Non poderán participar no presente sorteo o persoal do CIPAX Culleredo nin as persoas que teñan intervido na realización ou organización do Día do Libro.

Admítese unha única participación por persoa e por rede social. Se participárase a través de varias redes sociais, cada persoa só poderá ser gañadora do sorteo unha vez. Se ao comprobar as identidades na vida real das persoas gañadoras se detectase que algunha ten gañado máis dunha participación (a través de distintas redes), a organización poderá decidir entre declarar deserto ese premio ou sortealo entre o resto de participantes válidos ata completar as tres persoas premiadas que si cumpra as condicións de participación.

Se resultase gañadora algunha persoa que non cumprise os requisitos esixidos, perderá o seu dereito a obter o premio gañado e a organización poderá decidir entre declarar deserto ese premio ou sortealo entre o resto de participantes que reúnan os requisitos, ata completar as tres persoas premiadas que si cumpra as condicións de participación.

En caso de facerse imposible o reparto de premios por non acadarse persoas que cumpran os requisitos, ou cuestións similares de impidan a entrega da totalidade dos premios, a organización podería declarar o premio deserto.

6.- FISCALIDADE DOS PREMIOS

Serán de aplicación todas as disposicións de carácter fiscal pertencentes aos premios do sorteo, segundo a lexislación aplicable en cada momento. Non obstante, o valor dos premios individuais non supera os 300 euros, polo que non está suxeito a ningunha retención, de conformidade coa normativa do Imposto sobre a Renda das Persoas Físicas (IRPF).

As persoas que resulten gañadoras deberán confirmar de xeito privado á organización os seus datos persoais (Nome, apelidos, documento de identidade e teléfono) e identificarse o día da entrega do premio, mediante a presentación do seu DNI ou NIE, pasaporte, carné de conducir tarxeta de residente, identificación similar que acredite a súa identidade. E deberán asinar, en todo caso, un xustificante da súa recepción. En caso contrario, perderían o seu dereito á recepción do premio.

O cumprimento deste requisito establecido no parágrafo anterior ten carácter obrigatorio, polo que as persoas gañadoras deben facilitar os seus datos persoais, de forma que a ausencia de calquera de ditos datos suporá a perda do dereito ao premio.

7.- MECÁNICA DO SORTEO

O feito de participar no sorteo implica que a persoa participante acepta expresa e integramente as condicións destas bases.

Para participar hai que:

- Dispor de conta en, cando menos, unha das seguintes redes sociais: Facebook, Instagram ou Twitter nas que se desenvolverá o sorteo.
- Compartir, de xeito público, á conta na rede/s elixida/s para participar (Facebook,

Twitter, Instagram ou Tik Tok), a súa experiencia lectora persoal, co cancelo **#MaioMesDosLibrosEnCulleredo**, ben a través de comentarios ou cunha publicación propia.

Os espazos nos que se levará a cabo o sorteo serán:

- Facebook: <https://www.facebook.com/XuventudeCulleredo>
- Twitter: <https://twitter.com/Cipaxculleredo>
- Instagram: <https://www.instagram.com/xuventudeculleredo>
- Tik Tok: <https://www.tiktok.com/cipaxculleredo>

Non é obrigatorio, pero si é recomendable que as persoas participantes sexan seguidoras das contas do CIPAX Culleredo nas que se vai desenvolver o sorteo coa fin de recibir notificacións sobre o resultado do sorteo, cambios que se podan producir, etc. Isto é:

- En Twitter: @Cipaxculleredo
- En Facebook: www.facebook.com/XuventudeCulleredo
- En Instagram: @xuventudeculleredo
- En TikTok: @xuventudeculleredo

Admítese unha participación por persoa en cada rede. Así, unha mesma persoa poderá participar a través de Instagram e/ou Facebook e/ou Twitter e/ou Tik Tok, contabilizándose una participación por rede. Pero so poderá resultar gañadora a través dunha delas.

Coa aceptación do premio, as persoas gañadoras asumen que non lles confire dereito de remuneración ou beneficio algún con excepción feita da entrega do premio gañado conforme a estas bases.

8.- REGLAS DE CONDUCTA

Teranse presentes as seguintes consideracións:

a) Rexeitaranse os contidos que poidan considerarse ofensivos, obscenos, non axeitados, racistas, vulgares, xenófobos, sexistas e/ou violentos, así como aqueles que atenten contra a dignidade e/ou o decoro, e os que poidan ferir sensibilidades, ser contrarios á lei, á moral e á orde pública; que sexan contrarios aos dereitos de terceiros sen o seu consentimento; que sexan contrarios ao honor e/ou a imaxe de persoas físicas ou xurídicas; que faciliten información de carácter persoal (propia ou de terceiros); que impliquen realizar unha actividade comercial, compra e venda de produtos e/ou servizos así como a súa publicidade, que non teña relación co sorteo, quedando automaticamente descualificados e fóra das bases contidos que se axusten a algún perfil dos descritos.

b) O CIPAX Culleredo resérvase o dereito a rexeitar a participación daqueles perfís que considere que poidan ser "fraudulentos". Considerarase un/unha usuario/a como malicioso cando se faga patente que está levando a cabo as actividades relacionadas coa promoción dun xeito antinatural ou artificial mediante, por exemplo:

1. O uso de *bots* ou sistemas automáticos que posteen en
2. Facebook/Twitter/Instagram/TikTok sen control expreso do usuario.

3. Uso de contas non lexítimas creadas para a promoción en Facebook/Twitter/TikTok/Instagram.

4. Non se aceptará o sorteo de contas duplicadas ou falsas.

5. Está terminante prohibido:

A. Postear comentarios descalificacións sobre outras persoas participantes.

B. Postear comentarios irrelevantes ou que poidan ser considerados *spam*.

O CIPAX Culleredo resérvase o dereito a decidir se os comentarios cumpren os requisitos de contido estipulados nas presentes bases e poderán cancelar a participación no sorteo de calquera usuario/a en calquera momento, sen necesidade de previo aviso e á súa elección exclusiva.

O CIPAX Culleredo non realiza ningunha labor editorial sobre os contidos xerados polas persoas participantes e non asume ningún tipo de responsabilidade asociada a estes, podendo solicitar que sexan retirados de forma inmediata en calquera momento, sen previo aviso, nin dereito a indemnización algunha en caso de incumprimento.

9.- COMUNICACIÓN ÁS PERSOAS GAÑADORAS

Cada unha das publicación que cumpran os requisitos descritos nestas bases para participar serán admitidas no sorteo e se incluírán no mesmo.

O sorteo realizarase como moi tarde, antes dunha semana desde á finalización do prazo de participación estipulado.

Unha vez realizado o sorteo, o CIPAX Culleredo fará públicos os perfís gañadores a través de sendas publicacións nos seus espazos nas 4 redes nas que se pode participar.

As persoas gañadoras deberán poñerse en contacto co CIPAX Culleredo a través dunha mensaxe privada a través da rede social coa que participaron (Twitter, TikTok, Facebook ou Instagram) para poder tomar nota dos seus datos e artellar a entrega do premio. O prazo para contactar será de 15 desde a publicación das persoas gañadoras nas diferentes redes sociais nas que se participaba no sorteo.

No caso de non poder contactar coas persoas gañadoras, que estas non cumpran os requisitos recollidos nestas bases, non contacten nos prazos e canles establecidas nestas bases para identificarse como as persoas gañadoras, ou que rexeiten o premio ou non poidan acudir a recollelo no día e hora fixados polo CIPAX Culleredo, a organización decidirá se declara deserto ese premio concreto ou procede a sortear os premios pendentes entre o resto das persoas participantes non gañadoras.

En ningún caso se poderá reclamar o premio con posterioridade aos prazos aquí estipulados.

A persoa gañadora recollerá o seu premio identificándose á hora de recollelo co seu D.N.I., N.I.E., pasaporte, carné de conducir, tarxeta de residente, identificación similar que acredite a súa identidade.

É factible que a persoa gañadora nomee unha persoa para que acuda á recollida do premio no seu lugar, pero nese caso deberá facilitar tamén os datos da persoa que o representará, e ésta deberá identificarse no momento da recollida do premio co seu D.N.I., N.I.E., pasaporte, carné de conducir, tarxeta de residente ou identificación similar que o acredite como a persoa

designada polo gañador/a do premio para actuar na súa representación. En calquera caso, a persoa que acuda a recoller o premio (sexa o gañador ou ben o seu representante), deberá asinar un documento conforme o premio lle foi entregado.

10.- ENTREGA DO PREMIO, COMUNICACIÓN E USO PÚBLICO DA IMAXE DA PERSOA GAÑADORA.

O premio deberá recollese na data, hora e lugar que sinale o CIPAX Culleredo aos efectos e que comunicará ás persoas gañadoras.

Tanto cada persoa gañadora como, se fose o caso, a persoa que cada ganador teña designado como o seu representante, aproban acceder a que se lle tomen fotografías durante o acto de entrega do premio, así como a que o CIPAX Culleredo empregue o seu nome e imaxe con fins publicitarios, en calquera medio e material publicitario. Así, a persoa gañadora e quen a represente autorizan, ao participar na acción, ao CIPAX Culleredo a reproducir, empregar e difundir o seu nome, apelidos e imaxe en calquera actividade publicitaria e/ou promocional que estea relacionada con esta, mesmo mentres goce do premio, todo isto en calquera medio, incluído internet, sen que ditas actividades lles confiran dereito de remuneración ou beneficio algún con excepción feita da entrega do premio gañado conforme estes bases.

11.- CONDICIÓN E INCIDENCIAS

A participación neste sorteo conleva a aceptación expresa dos/as participantes das presentes bases, quen autorizan expresamente a divulgación dos seus nomes por parte do CIPAX Culleredo.

O CIPAX Culleredo resérvase o dereito a ampliar ou aprazar o período do sorteo, así como a modificalo ou cancelalo, se concorresen circunstancias excepcionais que impedisen a súa realización, comunicando ditas circunstancias de tal maneira que se evite calquera prexuízo para os participantes. O CIPAX Culleredo non será responsable dos retrasos, perdas ou deterioros por causas que non lle sexan imputables.

O CIPAX Culleredo queda exonerado de toda responsabilidade por danos e prexuízos de toda natureza que poidan deberse á falta temporal de dispoñibilidade ou de continuidade do funcionamento das aplicacións de Facebook, TikTok, Twitter ou Instagram mediante as que se participa no sorteo. Tampouco será responsable o CIPAX Culleredo en caso de mal funcionamento da rede de internet que impida o normal desenvolvemento do sorteo por causas alleas ao CIPAX Culleredo.

O CIPAX Culleredo queda exonerado dos fallos cuxa responsabilidade sexa do/a participante, ou dos fallos ou interrupcións do servizo que sexan debidos ao provedor de servizos de conectividade a internet, fallos de TikTok, Facebook, Twitter, Instagram, fallo de conectividade á rede eléctrica ou a calquera terceiro, que escape ao control do CIPAX Culleredo.

O CIPAX Culleredo queda exonerado dos erros de seguridade que se poidan producir, aos danos que se poidan causar ao sistema informático dos/as participantes ou de terceiros/as (hardware, software) ou aos ficheiros ou documentos que se almacenen como consecuencia dun virus no ordenador do participante durante a súa participación no sorteo así como nas comunicacións posteriores en relación ao sorteo.

O CIPAX Culleredo resérvase o dereito de eliminar do sorteo, por causa xustificada, a calquera usuario que defraude, altere ou inutilice o bo funcionamento e o transcurso normal e regramentario deste.

O CIPAX Culleredo resérvase o dereito de emprender accións xudiciais contra aquelas persoas que realicen calquera tipo de acto susceptible de ser considerado manipulación ou falsificación do sorteo.

Así mesmo, calquera tipo de fraude detectado no sistema de participación determinará a inmediata eliminación dos participantes afectados.

12.- XURISDICCIÓN COMPETENTE

Para o coñecemento de calquera litixio que puidese plantexarse canto á interpretación ou aplicación das presentes bases, o CIPAX Culleredo e os participantes desta actividade sométense expresamente á xurisdición e competencia dos xulgados e tribunais da Coruña, con renuncia expresa a calquera outro foro que lles puidese corresponder.

O CIPAX Culleredo resérvase o dereito de aplicar, interpretar e modificar estas bases e de decidir sobre os casos non previstos nelas.

13.- DEPÓSITO DE BASES

As presentes bases publicaranse na páxina de fans do CIPAX Culleredo (www.facebook.com/XuventudeCulleredo e www.culleredo.es)

14.- PROTECCIÓN DE DATOS

Coa participación neste sorteo, os/as gañadores/as prestan o seu consentimento expreso para o tratamento dos seus datos persoais por parte do CIPAX Culleredo conforme ás disposicións da Lei Orgánica 15/1999 de Protección de Datos de Carácter Persoal (LOPD), que se incluírán nun ficheiro automatizado propiedade do CIPAX Culleredo. Garántese aos participantes o dereito de acceso, rectificación e eliminación dos seus datos persoais para o que terán que dirixirse ao CIPAX Culleredo (Edificio Pablo Picasso). Nos dous casos deberá identificarse presentando unha fotocopia do D.N.I. ou calquera outro documento oficial de identificación.

Unha vez rematado este sorteo, o CIPAX Culleredo conservará os datos que lle teñan facilitado as persoas participantes. Así, e en cumprimento do disposto na Lei 34/2002, de 11 de xullo de servizos da sociedade de información e de comercio electrónico, os/as participantes prestan o seu consentimento ao CIPAX Culleredo para recibir comunicacións.

En Culleredo, a 12 de maio de 2021.